

欽定剿平三省邪匪方略

正編

一
一
六

新刊三才圖會

卷一

三

欽定剿平三省邪匪方略正編卷一百七十三

辛酉年

九月初二日

丙子

額勒登保奏言查張添倫股匪

自經格布舍楊芳疊加斬獲之後該匪只剩七

八百人由關垵南竄竹仄溪楊芳與遊擊吳廷

剛等帶領步隊兵勇躡蹤緊追格布舍與侍衛

將弁等帶領馬隊由長安嶺抄擊十二日辰刻

兩路馬步兵勇趕抵竹仄溪賊已於夜半向漁

溪河竄去遂卽合力追趕四十餘里午刻馳抵
漁溪河口於山梁上望見賊匪有已過河翻上
對面陡山者有未過河者格布舍楊芳等督催
兵勇奮力追下河邊殺賊二百餘人淹斃數十
人其已經過河上山之賊卽攢集山巔樹林內
恃險抗拒楊芳吳廷剛等帶領精壯兵勇奮力
仰攻傍晚搶至山頂沿山追殺斬獲五六十人

賊匪亂竄滾崖跌斃數十人又有前次投出之
楊老么等高聲喊叫投出免死賊匪聞聲棄械
跪投者七十餘人餘匪二三百人分爲兩股由
鐵板溪盤庖河逃竄格布舍楊芳等仍卽分路
由大塘壩茅壩關一帶追截賊匪四散逃逸由
亮垵子竄入川境所剩無幾匿入老林自不值
以勁兵久爲牽綴臣連日於西鄉長嶺一帶探

集三
得東西兩路並無緊要賊情而太平以南之中
河爆筒山一帶有賊匪屯紮滋擾雖相距三百
餘里亦必須速行剿辦

臣

卽一面札調格布舍

楊芳之兵由漁渡壩官渡灣向太平而來一面
率同楊遇春由三花灘鹽場一帶前進於二十
日行抵太平之官渡灣是日格布舍楊芳等帶
兵到營卽令作爲頭隊由茶堽子白沙河中河

一帶探聽賊蹤進剿臣正擬率同楊遇春等由

趙家壩馳往合擊接據探報通江之麻啄石一

帶有李彬股匪千餘人並各路剿潰零匪奏合

共計三千餘人本係向東太一帶奔逃因聞我

軍由太平進發遂折回由毛峪鎮德漢城廐溪

北竄陝界臣思該匪在川被剿情急勢必向陝

境狂奔慶成近日率領遊擊張汝勤和什布等

於大池壩等處搜剿零匪五六十名現從白溪
緊顧北面前往探剿恐兵力尙單不足深恃

臣

現已改道由通江之竹峪關偵探截擊現在鍾

家溝向雄關一帶有九十帶兵堵截花石梁以

西有慶溥帶兵嚴防聞勒保率領阿哈保薛大

烈永明等在南江一帶顧住西北分路進剿茲

臣

率師緊顧陝境之東面而進卽就近查探賊

勢酌量緩急情形併力剿辦至穆克登布豐紳

一路官兵前經奏明在陝楚邊界截剿賊匪

臣

師抵官渡灣穆克登布由太平輕騎前來據稱

緊躡青號王山賊蹤由老鴉舖耍壩等處追剿

沿途日有斬獲初七日趕抵開縣邊界之水深

溪拏獲賊探十數人訊知賊匪六七百人竄至

前面三十餘里之滿月槽穆克登布等率領兵

勇趕往該匪正在分投掠食一見官兵卽向山
梁紛紛四竄穆克登布桑吉斯塔爾豐紳等各
帶兵勇分路追殺自午至酉共殺賊二百餘人
餘匪約三百數十人竄入林箐乘夜遁去又有
一百餘人躲入半山岩洞草房內擲石抵拒穆
克登布等恐有緊要賊目在內飭令兵勇圍注
洞口奮力攻取兵勇內被石擊傷數人中矛陣

亡者一人相持甚久經兵勇拋擲火彈燃燒洞口草房並將洞內草席棚一齊引燃賊不能支向外衝撲我軍鎗箭並發斃賊三十餘名生擒五十六名洞內燠斃十數人訊據獲犯供稱係王山爲元帥劉學書張奇爲副帥王山昨在襄河腦夜間被官兵剿殺總未歸隊張奇亦被官兵殺死劉學書帶百十人逃來亦已燠斃穆克

登布當卽查驗屍身屬實並將生擒各犯一併
正法次日仍卽帶兵尋蹤追剿而該匪殘敗無
多已分竄入東鄉境內穆克登布等因距陝界
已遠擬將兵勇撤至太平茲特趕來會合

臣查

平利安康一帶邊界甚關緊要德楞泰追剿龍
紹周股匪早抵竹山境內刻下卽尙未全股撲
滅亦必由竹谿平利一帶逼向西來該處雖有

喜明柯藩帶兵在彼旧道路分歧山林叢雜恐
該鎮等只能就近防剿不能遠道出擊臣仍飭

穆克登布桑吉斯塔爾豐紳等率領原帶兵勇
由大竹河翻界嶺六道河斑鳩關一帶前赴安

康平利沿途探剿敗殘餘匪並偵探龍逆如某

向西竄來卽併力迎擊一鼓殄平再於陝楚邊

界差探戴四崔胡確蹤與楚省官兵合力剿辦

現據七十五呈報近八開縣之溫湯井等處進

剿苟文明樊人傑股匪獲有勝仗擒斬千餘人

拿獲苟文明之師向忠順及該匪親屬苟文泰

等十數名臣已飛行知會該提督鼓勵兵勇乘

勝趕剿不許延緩刻下各處並無大股兇悍之

賊惟尙零星奔竄力合無常一聞兵來卽亡命

晝夜逃遁未能聚而殲洗臣惟有通籌全局機

宜趕緊督飭剿辦不敢一息懈緩以致上厯

聖懷再查格布舍楊芳等昨於節草壩進剿張添倫
股匪有臨陣棄械投出之楊老么李結子等七
八十人此次格布舍楊芳等於漁溪河接仗又
有楊老么李結子等臨陣喚出僞總兵李士得
何貴及矛手王福等七十餘名並生獲之賊匪
張廷秀等三十二名除將生獲各犯卽飭正法

外當將楊老公李結子李士得何貴等訊明欽
遵節次所奉

諭旨概予免死惟查此等投出之人前已欽奉

諭旨不宜留於軍營茲復遵

旨詳加開導令其各回原籍當有情願回籍之陽國
珍黎從正林榮富等五十八名又有前此投出
留營効力茲情願遣回之一百二十五名均核

其道里遠近酌給盤費交西鄉太平分別解回
原籍妥爲安插外有頭目楊老么等八名情願
率領一同投出之王福等七十三名効力贖罪

再三懇求

臣

念伊等既有悔罪之心亦未便過

於阻止反使疑畏是以准其所請交與都司祝
廷彪妥爲帶領隨時酌量去留再查各股賊匪
經大兵節次痛剿其勢日見敗殘此輩皆係